



古今諺拾遺卷三

樂亭 史夢蘭

香睡軒

祠田祝辭劉向說苑

下田冷邪得穀百車蟹塊者宜禾

又云蟹塊者宜禾冷邪者百車傳之後世洋洋有餘

田家五行諺

日頭遮雲障晒殺老和尚

日外自雲障中起主晴○以下論日

烏雲接日明朝不如今日

日落雲沒不雨亦寒

日落雲裏走雨在半夜後

日落烏雲半夜枒明朝晒得背皮焦

此言半天原有黑雲日落雲外其雲夜必開散

古今諺拾遺卷三

一

明必甚晴也

今夜日沒烏雲洞明朝晒得背皮痛

此言天雖有雲及日沒下去都無雲而見日狀

如岩洞者也

月照後壁人食狗食

新月落北主米貴

一個星保夜晴

雨後天陰但見一兩星此夜必晴

明星照爛地來朝依舊雨

言久雨正當黃昏卒然雨住雲開便見滿天星斗豈但明日有雨當

夜亦未必晴

西南轉西北搓繩來絆屋

以下論風

半夜五更西天明拔樹枝

日晚風和明朝再多

風急雨落人急客作

東風急備簑笠

東北風雨太公

言良方風雨卒難得晴

西南早到晏弗動草

南風尾北風頭

言南風愈吹愈急北風初起便大

雨打五更日晒水坑

以下論雨

一點雨似一個釘落到明朝也不晴一點雨似一個泡落到

明朝未得口

天下太平夜雨日晴

病人怕肚脹雨落怕天亮

言久雨正當昏黑忽自明亮則是雨候也

古人諺拾遺卷三

一一

夾雨夾雪無休無歇

飄風不終朝驟雨不終日

上風皇下風隘無震衣莫出外

以下論雲

太婆年八十八弗曾見東南陣頭發

言雲起自東南來者絕無雨

旱年只怕松江挑水年只怕北江紅

西北赤好晒麥

朝要頂穿暮要四腳懸

魚鱗天不雨也風顛

老鯉斑雲障晒殺老和尙

識每護霜天不識每著子一夜眠

朝霞暮霞無水煎茶

南閃千里北閃眼前

清明斷雪穀雨斷霜

言天氣之常

一年之計在春一日之計在寅

夏至日莫與人種秧冬至日莫與人打更

一九二九扇子弗離手三九二十七冰水甜如密四九三十三

六出汗如出浴五九四十五頭帶秋葉舞六九五十四乘涼

不入寺

一作入佛寺

七九六十三上牀尋被單八九七十二思量

蓋夾被九九八十一家家打炭壑

河東西好使犁河射角好夜作

古今諺拾遺卷三

三

冬至前後瀉水不走

一九二九相喚弗出手三九二十七籬頭吹簫粟四九三十三

六夜眠如露

一作鷺

宿五九四十五太陽開門戶六九五十四

貧兒爭意氣七九六十三布衲擔頭擔

一作布被兩頭攤

八九七十三

二猫狗尋陰地九九八十一犁把一齊出

一日赤膊三日齷齪

大寒須守火無事不出門

大寒無過丑寅大熱無過未申

臘月廿四五錐刀不出土

初三月下有橫雲初四日裏雨傾盆

廿五六若無雨初三初四莫行船

春雨壬子秧爛蠶死

雨打六壬頭低田便罷休一云更須看甲寅日若晴拗得過不妨

壬子是哥哥爭奈甲寅何丙亦當以壬子日為主

甲申尤自可乙酉怕殺我言申日雨尚庶幾酉日雨主久雨

范石湖詩註而江南至今傳之却成亡國之讖

甲日雨乙日晴乙日雨直到庚

久晴逢戊雨久雨望庚晴

逢庚須變逢戊須晴

久雨不晴且看丙丁

古今諺拾遺卷三

四

水底起青苔卒逢大水來以下論水

大旱不過周時雨大水無非百日晴

乾晴無大汛雨落無小汛論潮

頭芒生子沒殺二芒二芒生子早殺三芒

鴉浴風鵲浴雨八八兒洗浴斷風雨鳩鳴有還聲者謂之呼婦主晴無還聲者謂之

逐婦主雨鵲巢低主水高主旱俗傳鵲意既預知水則云終不使我沒殺故意愈低既預知旱則云終不使我晒殺故意愈高

高愈

烏肚雨白肚風海潮成羣而來主風雨

一聲風二聲雨三聲四聲斷風雨夜間聽九道遙鳥叫卜風雨

朝鷓晴暮鷓雨案鷓疑是鶴字之譌

黑龍護世界白龍壞世界龍下便雨主晴凡見黑龍下雨必到水

鄉諺

多龍多旱龍下燥生旱

猪來貧狗來富猫兒來開質庫

燈花今夜開明朝喜事來燈花不可剔去至一更不謝明日有喜事半夜不謝主有連綿喜慶

或有遠親友信物至

火留星必定晴久陰息燈燈燥如炭紅良久不過明日喜晴

田家雜占陸詠吳下田家志

風吹鶴神口米長干錢斗

未喫端午糗寒衣未可送

古今諺拾遺卷三

五

朝正秋暮啾啾

八月初一雁門開嬾婦催將刀尺裁

雜占諺孔平仲談苑

芒種雨百姓苦

雲向南雨潭潭雲向北老鸛尋河哭雲向西雨沒犁雲向東

塵埃沒老翁一作雲走東雨空空雲走西騎馬送蓑衣雲走南雨潭潭雲走北雨難得又雲行西星照泥

又月令廣義

有利无利只看四月十四四月十四日得東南風大吉

又月令通考

除夕狗不叫來年無賊盜除夕猫不嗥來年無虎豹

又薄細
賢筆

夏至難逢端午日百年難遇歲朝春

言節氣相值之難非以為瑞也

歲時雜占諺

致富奇書

歲朝東北好種田

元日天晴為上西北風主米貴每月如之

歲朝西北風大雨定妨農

立春日同占

晴為祥雨為殃

東方朔新春八日占云然一雞二犬二羊四猪五牛六馬七人八穀是也

甲子豐年丙子旱戊子蝗蟲庚子叛惟有壬子水滔滔俱在

正月上旬看

正月上旬子日占歲事

上元無雨多春旱

元宵晴主一春水少

風吹上元燈雨打寒食墳

古今諺拾遺卷三

六

驚蟄聞雷米是泥

未蟄先雷須見冰

春分無雨病人稀

春分雨人有災

田家無五行水旱卜蛙聲

三月初三日為上巳是日蛙上晝叫上鄉熟下晝叫下鄉熟終日叫

上下皆熟

雨在石上流桑葉好喂牛

謂三月三日雨也

清明無雨早黃梅

清明日雨主有梅雨

雨打墳頭錢一年好種田

三月十六皎皎晴桑葉頭上揀人情

三月十六為黃姑浸種日西南風主大旱又主

桑葉貴

四月初八晴燥焯高田好張鈞四月初八烏漉禿不論高低
一槩熟

小麥是個鬼只怕四月初八夜裏雨是夜有雨損小麥

月照日光水沒牀枕四月十六日看月上早主大旱嘉靖辛酉年日臨于酉而即見月路上行人云

云是年五月大水沒田船行田中而此云大旱何也

四月十六雨飄飄高鄉廣種雜澇主早四月十六多雨點鄉

人只把腳來攢主水○案說不同

日煖夜寒東海也乾四月丙日煖夜寒主少水

梅裏西南時裏潭潭夏至前芒種後雨為黃梅雨梅裏西南風主時雨多

梅裏一聲雷時裏一陣雨芒種後半月謂之禁雷天

古今諺拾遺卷三

雨打梅頭跋轉眠牛

迎梅一寸送梅一尺

高田只怕迎時雨低田只怕送三時

端陽曬得蓬頭乾十片高田九片浮端午日晴主水

夏至無雲三伏熱

夏至日雨一點千金主年豐

夏至前解上岸夏至後水到岸夏至前岸上有解主大水

時裏一日西南風准抵黃梅雨日雨夏至後半月為三時頭時三日中時五日三時

七日諺云云又云時裏西南老鯉奔潭一說相反又云朝西暮東正是旱天公中時腰爆沒低田末時得雷謂之送時主

晴久

迎梅雨送時雷

三時三送低田白弄

二十分龍廿一蠶拔起黃秧便種豆二十分龍廿一雨水車

閣在衙堂裏五月二十日為大分龍與小分龍同占案埠雅引諺云二十分龍二十雨八十公公去車水二

十分龍廿一雨水車因入衙唐裏謂本日雨主旱次日雨主潦也

五月裏有迷霧行船弗問路五月內有霧主水

六月初三晴竹篠盡枯零六月初三一陣雨夜夜陣頭到立

秋

伏裏西北風臘裏船弗通

六月裏迷霧要雨直到白露六月有霧主旱

古今諺拾遺卷三

八

六月無蠅新舊相登六月蒼蠅少主米價平

朝立秋涼颼颼夜立秋熱到頭

秋前無雨水白露枉來淋處暑內喜雨

處暑若還天不雨縱然結實也無收

秋前蠶米穀來秋後蠶米穀法七月虹見主米貴

八月初一難得雨九月初一難得晴

白露前是雨白露後是鬼稻花見日方吐其時雨來不及收花所以多鬼

十六雲遮月來年防水沒是夜無雲來年大熟

分後社穀米遍天下社後分穀米上錦墩秋分宜在社前

田怕秋旱人怕老窮

三卯高鄉麥好三卯三庚麥出低鄉

賣麥婆子看冬朝無風無雨哭號啣十月朔日晴則一冬晴雨則一冬雨

十月初一西北風糶了壠下糶冬春十月朔東南風為關倉風主來年夏米貴

十月雷路白雨來催十月有雷主疫

冬至西南百白陰半晴半雨到清明冬至日西南風主久陰

冬前米價長窮人倒好養冬前米價落窮人越蕭索

臘雪是被春雪是鬼

除夜東北來年大熟除夜占風東北為上

占風濤諺又

日沒脂紅非雨即風星光閃爍必定風作

古今諺拾遺卷三

九

重若車形大主風聲

水生靛青主有風行

海燕成羣風雨便臨白肚風作烏肚雨淋海猪亂起風不可

已逍遙夜叫風雨即到案逍遙鳥名

水蛇盤蘆上水漲高若干頭垂立至頭高少延蝦籠得鰓必主風

農家諺又

荒地種芝蔴一年不出草芝蔴葉上雨露最苦草木沾之必萎

無灰不種麥白露後以灰拌勻密種

大麥不過年小麥不過冬

收麥猶如救火遲恐遇雨則傷

刈黍欲早刈糶欲晚黍可釀酒糶可作飯

三日猶可四日殺我

三月三日有雨則桑葉貴四日尤甚

養羊種薑子利相當

種桃宜密種李宜稀

上已有風梨有蠹中秋無月蚌無胎

枇杷黃果子荒

又沅湘耆舊集

最喜立春晴一日農夫耕田不費力

驚蟄不動蟲寒至五月中

春社無雨莫耕田秋社無雨莫耕園

古今諺拾遺卷三

十

春乾高起倉秋乾斷種糧

秧一拳忙抄田

禾怕午時風人怕老來窮

四月八日晴打鼓蒔茅坪四月八日雨打鼓求木主

立夏不下高田放罷小滿不滿芒種不管

頭小尾小耕田口了頭大尾大耕田有賣

秋前扮不得秋後扮不徹

處身滿田黃家家修廩倉

高田一望不如低田一段

一下鋤頭一線粟吃到殘年饒積穀

占年諺

正月三百兩公笑赫赫

熟不熟但看來正三箇六謂初六十六二十六宜晴

正月雷鳴二月雪三月禾秧生老節

三月三脫了寒衣穿汗衫

芒種火燒天夏至雨連綿

夏至五月頭一邊喫一邊愁夏至五月中白飲滿童童夏至

五月尾禾黃米價起

夏至東風搖麥子水裏撈夏至西風刮麥子乾場打

六月六晒得雞蛋熟

古今諺拾遺卷三

十一

六月秋要到秋七月秋不到秋謂早稻收穫時也

南風吹過北有錢羅不得北風吹過南倉下無人擔

過了七月半人似鐵羅漢

十月初一晴柴炭灰樣平

要宜麥見三白

占雨諺

未雨先雷到夜不來未雨先風來也不凶

天將雨鳩逐婦按埤雅鳩鳩陰則逐其雌晴則呼而逐之今人辨其聲以為無屋住也

田家諺

荷鋤候雨不如決渚言時不可緩也見外史

樵厘厘種黍時

見齊民要術

欲得穀馬耳鋏

苗生如馬耳則鋏鋤見齊民要術

兩春夾一冬無被煖烘烘

重陽無雨一冬晴

重陽日晴則冬至元日上元清明皆晴雨則皆雨

九月十三晴釘鞵挂斷繩

一云九月十三晴不如十四靈九月十四晴釘鞵挂斷繩九月十三

為稻羅生日雨則久雨

臘報春多雪

冬無雪麥不結

鶉姑姑呼阿嬭晴哭雨哭雨

三霉三伏稻黃秫熟

古今諺拾遺卷三

七

六月常常旱只怕交秋廿日晴

天公斂帽大

秋雨隔牛背夏雨隔堵墻

過了夏至節夫妻各自歇

六月六紅酒炒雞肉

宋時農諺

雞肋編清康元年麥多高於人者既大雨所損十八

麥過口不入口

秦晉間農夫語

侯延慶退齋閒雅錄

小麥鑽火秀早殺豌豆花植穀拖泥秀爛起田中瓜

辰州田家諺

明詩錄

四月八日晴魚兒上高坪

一日雨連連高山也是田

湘邵間農諺沅湘耆舊集

邵人不修塘未早迎城隍湘人不信鬼未早先蓄水

雲走邵陽曬破腦漿雲走安化衝爛新壩

海洋占驗東西洋卷

朝看東南黑勢極午前雨暮看西北黑半夜看漳州志風雨作有字

天占

天外飛游絲久晴便可期清朝起海雲風雨雲漳州志時辰作接字

風靜鬱蒸熱雷雲漳州志必振烈東風雲過西雨下不移時作霆字

古今諺拾遺卷三

三

東南卯沒雲雨下巳時辰雲起南山遍風雨辰時見

日出卯過雲無雨必天陰雲隨漳州志風雨疾風雨片時息作陰字

迎雲對風行風雨轉時辰日沒黑雲接風雨不可說

雲布滿山低連宵雨亂飛漳州志雲從龍門起颶風連急風雨飛

雨

西北黑雲生雷雨必聲旬雲勢若魚鱗來朝風不輕

雲鈞午後排風色屬人猜夏雲鈞內出秋風鈞背來

亂雲半天遶風雨來多少風送雨傾盆雲過都暗了

紅雲日出生勸君莫出行紅雲日沒起晴明未堪許以上占雲

風雨潮相攻颶風難將避初三須有颶初四還可懼望日二

十三颶風君可畏七八必有風信頭有風至春雪百二旬有
風君須記占風

二月風雨多出門還可記初八及三十九二十四

三月十八雨四月十八至風雨帶來潮傍船人難避

端午信頭風二九君還記西北風大狂回南必亂地

六月十二三彭祖連天忌七月上旬來爭秋莫船開

八月半旬時隨潮不可移以上占風雨

烏雲接日雨卽傾滴雲下日光晴朗無妨

早間日珥狂風卽起申後日珥明日有雨一珥單日兩珥雙

起

古今諺拾遺卷三

占

午前日暈風起北方午後日暈風勢須防暈開門處風色不

狂

早白暮赤飛沙走石日沒暗紅無雨必風

朝日烘天晴風必揚朝日燭地細雨必至

返照黃光明日風狂午後雲過夜雨滂沱以上占日

虹下雨雷漳州志作虹日雷雨晴明可期斷虹晚見不見天變占虹

斷虹早挂有風不怕曉霧卽收晴天可求

霧收不起細雨不止三日霧蒙必起狂風以上占霧

電光西南明日炎炎電光西北雨下連宿

辰闕電飛大颶可期遠來無慮遲則有危漳州志作可危

電光亂萌無風雨晴閃爍星光星下風狂占土

蟻姑放洋大颶難當雨日不至三日無妨

海泛沙塵大颶難禁若近沙岸仔細思尋

烏鱗弄波風雨必起二日不來三日難抵

東風可守回來暫傲白蝦弄波風起便和占晦

月上湖長月沒湖漲大信潮光小信月上

水漲東北南東漸復西南水回便是水落

擊定且手船走難纜紐定必凶直至沙岸

走花落石神鬼驚散要知石地大洪泥波占潮

援占驗諸說似可解似不可解似有韻似無韻聊備人記憶與古謠諺並論以上本東西洋考恐傳鈔多訛字

古今諺拾遺卷三

五

古傳俗諺

一畝之地三蛇九鼠爾雅

雨水前雷雨雪披披

千里井不反唾梁資暇錄蓋由南朝宋之計吏瀆到殘草於公館井中且自言相去千里豈當重來及其

復至熱渴汲水還飲不憶前所棄草草結於喉而變俗因相戒曰千里井不反到復訛為唾爾

姨娘懷裏識得娘香

有麝自然香何必迎風立

猪來窮家狗來富家貓來孝家雪壽談叢猪狗二物皆為人忌有至必殺之而邑中博士

名張宗聖者解曰諺語正不爾無足忌者蓋窮家籬穿壁破故猪來非猪能兆窮也富家飲饌豐遺骨多故狗來非狗能兆富也家多鼠蟲為耗故猫來孝家

則耗之說非猫能兆孝也此說甚當

三世仕宦方解著衣喫飯老學庵筆記○案魏文帝詔云三世長者知被服五世長者知飲食

言被服飲食難曉也今諺云云本此

一絢絲能得幾時絡嬾真子錄○喻小人逐目前之利樂也一絢或作一曲又作一絡

俚語吾吳語隱叢話

聞事莫說問事不知閒事莫管無事早歸

少喫不濟事多喫濟甚事有事壞了事無事生出事

里諺沅湘者舊集

五月壬子破大水穿山過

夏至伴端陽家家餓斷腸

朝霞雨連連晚霞火燒天

古今諺拾遺卷三

六

月光生毛大水推濠

屋簷水點點滴滴不遷改

孝順還懷孝順胎忤逆還生忤逆孩

甯可大人容小人切莫家鬼弄家神

一債還一債加利不肯賴一拜還一拜有禮不可再

俗諺

初五十四二十三太上老君不出菴或云太上老君不煉丹謂此三日為月忌凡事

宜避也

烏困投林人困投人

一朝權在手便把令來行按宋灣奉使設宴戲擲籠籌詩云一朝權在手看取令行時蓋諺語

官高易險樹大招風

龜背上刮瓊毛此古諺也坡公詩刮毛龜背上何時得成龜本此

人貧志短馬瘦毛長

甯走十步遠不走一步險

人心似鐵官法如爐

屋漏更遭連夜雨船遲又被打頭風

夏至有風三伏熱重陽無雨一冬晴按湧幢小品俗云云驗之殊不然及閱感精符

云夏至酉逢三伏熱重陽火

遠水難救近火遠親不如近鄰韓非子失火而取水於海海水雖多火必不滅矣此時諺

古今諺拾遺卷三

所本

駑馬戀棧

未能免俗聊復爾爾

聞所聞而來見所見而去

掩耳盜鐘按呂氏春秋范氏丘有得其鐘者欲負而走則大鐘不可負以椎毀之鐘

悅然有聲恐人聞之而奪已遽掩其耳此鄙語

噴拳不打笑面俗諺聞譚江淮俗每作諸戲必先設噴拳笑面材野之人以臘末爲之不知其所謂也今

諺云云似本此

五十不造屋六十不種樹七十不製衣

閒時不燒香急時抱佛脚按垂老抱佛脚孟東野讀經詩也里諺本此

賣席人睡土炕按此卽淮南子屠者妻竈爲車者步行陶者用缺盆匠人處狹廬爲者不得用用者弗肯意也

包彈是買主按此卽淮南子等我貨者欲與我市之意

爭名者於朝爭利者於市語本劉向新序

多年道走成河多年婦熬成婆

漫上不漫下按宋江萬里宣政雜錄云靖康初民間以竹徑二寸長五尺許背皮於首鼓成節奏取其聲似日通同部又謂製作之法曰漫上不漫下通衢用

擊賊要賊擊姦要雙按胡大初畫簾緒論引諺云捉賊須捉賊捉姦須捉雙此雖俚言極爲有理

三歲至老王文祿機警引

人過留名雁過留聲郎王鐵槍人死留名豹死留皮之意

古今諺拾遺卷三

童生入學喜不了閤老不陞終日惱

官斷十條路

駐了轆轤乾了畦

清官難逃猾吏手

衙門六扇開有理無錢莫進來

堂上一點硃民間千點血

一人之謀不敵兩人之智

無說不成狀

公門中好修行

好動扶人手莫開殺人口

角力不解必同仆地角飲不解必同沈醉

澆花澆根交人交心

種瓜得瓜種豆得豆

大難不死必有大福

百丈之堤潰於蟻穴

貓哭老鼠假慈悲

螢火蟲不自照

福無雙至禍不單行

案說苑權謀篇韓昭侯造作高門屈宜咎決其不出此門云此所謂福不重至

禍必重來者也蓋古人已先言之矣

富薦布棊勿薦盧醫

見毛西河再辭徵檄揭子

古今諺拾遺卷三

秦人諺

史記樓里子傳

力則任鄙智則樛里

楚人諺

漢書李布傳

得黃金百不如得季布諾

廷尉語

又于定國傳決疑平法罪疑從輕加審慎之心朝廷稱之云

張釋之為廷尉天下無冤人于定國為廷尉人自以不冤

諸儒為朱雲語

又朱雲傳是時少府五鹿充宗貴幸為梁丘易諸儒莫能與抗有薦雲者召入攝齊登堂抗首而請音動左右既論難連柱五鹿君諸儒為之語云

古今諺拾遺卷四

一

五鹿嶽嶽朱雲折其角

長安里中語

又王吉傳吉少時學問居長安東家有大棗樹垂吉庭中吉婦取棗曰啖吉吉後知之乃去婦東家聞而欲伐其樹鄰里共止之因固請吉令還婦里中為之語云

東家有樹王陽婦去東家棗完去婦復還

京兆語

又吉子駿為京兆尹試以政事先是京兆有趙廣漢張敞王尊王章至駿皆有能名京師稱曰

前有趙張後有三王

鄒魯諺

又韋賢傳賢四子長子方山為高寢令早終次子宏至東海太守次子舜留魯守墳墓少子平

成復曰明經歷位至丞相故鄒魯諺云

遺子黃金滿籬不如一經

長安語

又蕭育傳往者有王陽貢公故長安語云云言其相薦達也

蕭朱結綬王貢彈冠

京師語

又諸葛豐傳豐為司隸校尉刺舉無所避京師為之語云云註師古曰言閒者何久闊不相見

呂逢諸葛故也

閒何闊逢諸葛

諸儒為匡衡語

又匡衡傳

無說詩匡鼎來匡說詩解人頤

諸儒為張禹語

又張禹傳始魯扶卿及夏侯勝王陽蕭望之韋平成皆說論語篇第或異禹先

事王陽後從庸生采獲所安最後出而尊貴諸儒為之語云云由是學者多從張氏餘家寢微

欲為論念張文

京師為揚雄語

又揚雄傳王莽時劉歆甄豐皆為上公奉既以符命自立即位之後欲絕其原

古今諺拾遺卷四

二

以神前事而豐子尋歆子棻復獻之棻誅豐父子投棻四裔辭所連及便收不請時雄校書天祿閣上治獄使者來欲收雄雄恐不能自免迺從閣上自投下幾死棻聞之曰雄素不與事何故在此閒請問其故迺劉棻嘗從雄學作奇字雄不知情有詔勿問然京師為之語云

惟寂寞自投閣爰清靜作符命

出入關者為甯成語

又義縱傳甯成為關都尉歲餘關吏稅肄郡國出入關者號曰

甯見乳虎無直甯成之怒

涿郡語

又嚴延年傳為涿郡太守大姓西高氏東高氏自郡吏以下皆畏避之莫敢與語咸曰

甯負二千石無負豪大家

王莽居攝時語

後漢書彭寵傳王莽為宰衡時甄豐旦夕入謀議時人語云

夜半客甄長伯

鄉里爲馮衍語又馮衍傳衍子豹字仲文長好儒學

道德彬彬馮仲文

南陽語又杜詩傳詩遷南陽太守時人方於召信臣南陽爲之語云

前有召父後有杜母

時人爲慶廉語又廉范傳初范與洛陽慶鴻爲刎頸交時人稱云

前有管鮑後有慶廉

京師爲桓典語又桓典傳是時宦官秉權典執政無所回避常乘驄馬京師畏憚爲之語云

行行且止避驄馬御史

時人爲丁鴻語又丁鴻傳鴻字孝公

殿中無雙丁孝公

古今諺拾遺卷四

京師諺又胡廣傳廣字伯始性溫柔謹素練達事體明解朝章雖無善直之風屢有補闕之益京師諺

云

萬事不理問伯始天下中庸有胡公

時人爲王符語又王符傳符少好學有志操後度窳將軍皇甫規解官歸安定鄉人有以貨得

雁門太守者亦去職還家書刺謁規規卧不迎既入而問卿前在郡食雁美乎有頃又白王符在門規素聞符名乃驚遠而起衣不及帶屣履出迎援符手而還與同坐極歡時人爲之語云云言書生道義之爲貴也

徒見二千石不如一縫掖

諸儒爲楊震語又楊震傳震字伯起明經博覽無不窮究諸儒爲之語云

關西孔子楊伯起

穎川語又荀爽傳爽字慈明穎川爲之語云

荀氏八龍茲明無雙

京兆語又延篤傳先是陳留邊鳳爲京兆尹亦有能名郡人爲之語云云註前書趙廣漢張敞王遵王

章王駿俱爲京兆尹也

前有趙張三王後有邊延二君

京師爲李固父子語又李固傳固子燮靈帝時拜安平相先是安平王續爲張角所掠賈

還議復其國燮上奏曰續在國無政爲妖賊所虜損辱聖朝不宜復國燮以謗毀宗室輸作左校未滿歲

王果坐不道被誅京師語云

父不肯立帝子不肯立王

三府諺又陳蕃傳朱震字伯厚初爲州從事奏濟陰太守單匡臧罪并連匡兄中常侍車騎將軍超桓

古今諺拾遺卷四

四

帝收匡下廷尉曰諺超超諺獄謝三府諺曰

車如雞栖馬如狗疾惡如風朱伯厚

時人爲三賈語又賈彪傳彪字偉節初彪兄弟三人並有高名而彪最優故天下稱云

賈氏三虎偉節最怒

時人爲任安語又儒林傳任安字定祖少遊太學受于孟氏易兼通數經又從同郡楊厚學圖讖

究極其術時人稱云

欲知仲桓問任安居今行古任定祖

京師爲楊政語又儒林傳楊政字子行少好學從代郡范升受梁丘易善說詩經京師爲之語

云

說經鏗鏗楊子行

京師爲戴憑語又儒林傳戴憑爲侍中正旦朝賀帝命

奪其席曰益通者德遂重坐

解經不窮戴侍中

案東觀漢記作說不窮戴侍中

鄉里爲召馴語

又儒林傳名馴字伯春少習韓詩博通書傳曰志義聞鄉里號之云

德行恂恂召伯春

時人爲許慎語

又儒林傳許慎字叔重少博學經籍馬融常推敬之時人爲之語云

五經無雙許叔重

京師爲黃香語

又文苑傳黃香字文疆江夏安陸人也年九歲失母思慕憔悴殆不免喪鄉人

稱其至孝年十二太守劉護聞而召之署門下孝子京師號曰

天下無雙江夏黃童

古今諺拾遺卷四

鄉里爲雷陳語

又獨行傳雷義舉茂才讓於陳重刺史不聽義遂伴狂被髮走不受命鄉里爲

之語云

膠漆自謂堅不如雷與陳

益部語

又方術傳任文公巴郡聞中人也益部爲之語云

任文公智無雙

時人爲王君公語

又逸民逢胡傳王君公儉牛自隱時人謂之論曰

避世墻東王君公

京師爲井丹語

又逸民傳井丹字大春扶風郿人也少受業太學通五經善談論京師爲之語

云

五經紛綸井大春

時人爲戴遵語又逸民傳戴良汝南慎陽人也曾祖父遵字子高平帝時爲侍御史王莽篡位
稱病歸鄉里家富好給施尙俠氣
食客常三四百人時人爲之語云

關東大豪戴子高

長安語西京雜記韓嫣好彈以金爲丸一日所失者十餘長安爲之語云

苦飢寒遂彈丸

漢武宮中語庶物名義疏漢武宮中用李少君續膏一名都唐婦女傅之膚色都麗又能接骨宮

中語云

枯容悴軀有都虜折爪落髮有接骨

熒道諺華陽國志武帝初欲開南中令蜀通熒青衣道是元年熒道令道之費功無成百姓愁怨使者

唐蒙執令斬之蒙乃斬石通閣道故世爲諺云云後蒙爲都尉治南夷

古今諺拾遺卷四 六

思都郵斬令頭

益部諺又昔中郎將尹就伐羌擾動益部百姓諺云

虜來尚可尹將殺我

南鄭語又秦瑛南鄭楊相妻大鵠臚劉巨公女也有四男二女相亡教訓六子動有法矩長子元珍出

行醉母十日不見之曰我在汝尙如此我亡何以帥羣弟子元珍叩頭謝過次子仲珍白母請客旣至無

賢者母怒責之仲珍乃革行交友賢人兄弟爲名士時人語曰

三苗 止四珍復起

符縣語又符縣郡東二百里永建元年縣長趙祉遣吏先尼和拜檄巴蜀守過成瑞難死子賢求喪不

得女絡至二年二月十五日乘小船至父沒所哀哭自沈見夢告賢曰至二十一日與父屍俱出至日父

子浮出人爲語曰

符有先絡棘道張昂俗傳道黃昂張自妻也此身求貞事類類此語乃云

三輔舊語三輔決錄張氏得鉤何氏得算故三輔舊語云云言何氏有肥人輒貴瘦人輒賤張氏瘦者輒貴肥者輒賤故二族以鉤算知吉凶以肥瘦知貴賤

何氏算張氏鉤何氏肥張氏瘦

後漢時里諺拾遺記漢郭况光武皇后之弟也累金數億里諺云云都城之富難匹

洛陽多錢郭氏萬千

汝南語應劭風俗通義

衛修有事陳茂治之衛修無事陳茂殺之

蜀語華陽國志先主薨後雍閻殺益州太守正昂更以蜀郡張裔為太守閻假鬼教曰張裔府君如瓠壺殺之不可送與

吳案蜀書云云

古人諺拾遺卷四 七

張府君如瓠壺外雖澤而內實粗不是殺令送與吳

南陽舊語三輔決錄

前隊大夫范仲翁鹽豉蒜果共一筭言其節儉也案王莽時官有前隊之名

杜陵諺高士傳蔣詡字元卿杜陵人為兖州刺史王莽為宰衡詡稱病歸杜陵終身不出時人諺云

楚國二龔不如杜陵蔣翁

淮陽語河南志應曜隱於淮陽山中與四皓俱徵獨不受時人語云

商山四皓不如淮陽一老

郭况時里語拾遺記郭况光武皇后之弟也累金數億家僮數百餘人錯雜寶以飾臺榭懸明珠於四垂晝視之如星夜望之如日里語云

洛陽多錢郭氏寶夜日晝星富無匹

厯儉時語風俗通厯儉父先逃走隨母流宕後居細里
其故奴曰我婦姓艾字阿宏足下有黑子腋
下有赤志毋曰我翁也遂爲夫婦時人云

鑿井得銅買奴得翁

王莽時語蔡邕獨斷舌憤無巾王莽
頭禿乃始施巾故語云

莽頭禿憤如屋

桓帝時語邯鄲氏笑林桓帝時有人辟公府掾者情人
作奏記文人不能爲作因語曰梁國葛龔者

先善爲記文自可寫用不煩更作遂從人言寫記文
不去龔姓名府公大驚不答而罷歸故時人語云

作奏雖工不去葛龔

京師諺三國志袁紹傳註袁成字文開壯健有部分貴
威權豪自大將軍梁冀以下皆與結好言無不

從故京師
爲作諺云

古今諺拾遺卷四

八

事不諧問文開

呂布時語又呂布傳布有良馬
曰赤兔時人語曰

人中有呂布馬中有赤兔

京師爲鄧颺語又曹爽傳註鄧颺爲人好貨前在內職
許臧艾授以顯官艾以父妾與颺京師

爲之
語云

以官易婦鄧多茂

時人爲邢子昂語又刑駟傳駟字子昂河間鄭人
也爲冀州從事時人稱之云

德行堂堂邢子昂

時人爲楊豐語又閻溫傳註楊阿若後名豐字伯陽酒
泉人少游俠常以報仇解怨爲事時人

爲之
號云

東市相斫楊阿若西市相斫楊阿若

潁川陳氏語

又陳羣傳註太丘長陳寔寔子鴻臚紀
子司空羣羣子泰四世於漢魏二朝並有
重名而其德漸漸小
減時人爲其語云

公慙卿卿慙長

襄陽鄉里諺

又諸葛亮傳註襄陽記曰黃承彥者高爽
開列爲河南名士謂諸葛孔明曰聞君擇
婦身有醜女黃頭黑面而才堪相配孔明許
卽載送之時人以爲笑樂鄉里爲之諺云

莫作孔明擇婦止得阿承醜女

宣城鄉里諺

又馬良傳良字季常兄弟五人並有才名
鄉里爲之諺云云良眉中有白毛故以稱
之

馬氏五常白眉最良

古今諺拾遺卷四

九

巴西郡語

又王平傳平字子均巴西宕渠人也初平同
郡句扶功名爵位亞平註華陽國志曰後張
翼屢化並爲大
將軍時人語云

前有王句後有張廖

時人爲公沙語

袁山松後漢書公沙
穆有六子時人號云

公沙六龍天下無雙

大小鴻臚語

魏略韓暨韓宣爲
大鴻臚稱職語云

大鴻臚小鴻臚前後履行相曷如

時爲賈洪敬危語

又賈洪字叔業好學有才與馮
翊敬危材學最高眾人爲語云

州中華華賈叔業辯論洵洵敬文通

廣陵諺

張勃吳錄陸瑀爲廣陵太
守竊史歛手廣陵諺云

解結理煩我國陸君

李巖鄉里諺

江表傳諸葛亮表都護李巖巖少為郡職吏用情深刺苟利其身鄉里為巖諺云

難可狎李鱗甲

柳宗鄉里諺

又柳宗字伯鸞所拔進皆為時所稱致位牧守鄉里為諺云

得黃金一筭不如為柳伯鸞所識

魏武時諺

王嘉拾遺記魏武帝討董卓夜行失馬曹洪以其所乘馬讓帝其馬號曰白鶴數百里蹏

息而至人謂乘風而行諺云

馮空虛躍曹家白鶴

几亭破諺

水經注几亭破東有樊家故宅樊氏既滅庾氏取其破故諺云

陂汪汪下田長樊子失業庾公昌

古今諺拾遺卷四

十

巴蜀語

華陽國志永嘉四年天水文石殺雄太宰李國以巴西降尚梓潼巴西還蜀初巴西譙登殺雄

巴西太守馬脫還住涪折衝將軍張羅進據犍為之合水巴蜀為語云

譙登涪涪城文石在巴西張羅守合水巴氏那得前

司馬懿時諺

晉書宣帝紀

死諸葛走生仲達

北州語

又歐陽建字堅石世為冀方碩族擅名北州人為之語云

渤海赫赫歐陽堅石

時為石苞語

又石苞傳苞字仲容雅曠有智局容儀偉麗不修小節時人為之語云

石仲容較無雙

羊祜時語

又羊祜傳步闡之役祜以軍法將斬王戎故戎行並憾之每言論多毀祜時人為之語云

二王當國羊公無德

時為裴秀語又裴秀傳秀好學有風操入歲能屬文時人為之語云

後進領袖有裴秀

時為衛玠語又衛玠傳王澄有高名少所推服每聞玠言輒歎息絕倒故時人為之語云云澄及

王平王濟並有盛名皆出玠下世云云玠妻父樂廣有海內重名議者以為二云

衛玠談道平子絕倒 王家三子不如衛家一兒 婦公冰

清女婿玉潤

京都為荀闞語又荀闞傳闞字道明亦有名稱京都為之語云

洛中英英荀道明

三魏語又劉毅傳僑居平陽太守杜恕請為功曹沙汰郡吏百餘人三魏稱焉為之語云

古今諺拾遺卷四

十一

但聞劉功曹不聞杜府君

廣陵語又劉頌傳頌字子雅廣陵人漢廣陵厲王胥之後也世為名族同郡有雷蔣穀魯四姓皆出其

下時人為之語云

雷蔣穀魯劉最為祖

時人為謝鯤語又謝鯤傳鯤字幼輿通簡有高識不修威儀鄰家高氏女有美色鯤嘗挑之女

投梭折其兩齒時人為之語云云鯤聞之傲然長嘯曰猶不廢我嘯歌

任達不已幼輿折齒

時為江統語又江統傳統字應元陳留圉人也靜默有遠志時人為之語云

疑然稀言江應元

趙王倫時諺又趙王倫傳每朝會貂蟬盈坐時人為之諺云

貂不足狗尾續

京都為劉琨兄弟語

又劉琨傳琨字越石兄輿字慶孫並尚書郭奕之甥名著當時京都

為之語云

洛中奕奕慶孫越石

時為王珉兄弟語

又王珉傳珉少有才藝善行書名出珣右時人為之語云云僧彌珉小字

也法護珣小字也

法護非不佳僧彌難為兄

時為郗超王坦之語

又王坦之傳坦之字文度弱冠與郗超俱有重名時人為之語云云

嘉賓超小字也

盛德絕倫郗嘉賓江東獨步王文度

古今諺拾遺卷四

三

時為三叔語

又劉惔傳惔字真長沛國相人也祖宏字終叔光祿勳宏兄粹字純叔侍中宏弟潢

字冲蝦吏部尚書並有名中朝時人語云

洛中雅雅有三叔

中興人語

又諸葛恢傳恢字道明瑯琊陽都人也于時穎川荀闓字道明陳留蔡謨字道明與恢俱

有名譽號曰中興三名人為之語云

京都三明各有名蔡氏儒雅荀葛清

時人為鄧攸語

又良吏傳鄧攸在郡刑政清明百姓歡悅為中興良守棄子之後妻不復孕過

江納妾甚寵之訊其家屬說是北人遭亂憶父母姓名乃攸之甥攸素有德行聞之感恨遂不復畜妾卒以無嗣時人義而哀之為之語云

天道無知使鄧伯道無兒

時爲繆斐語皇甫謚達士傳繆斐字文雅代修儒學時人爲之語云

素車白馬繆文雅

楚諺張方賢楚國先賢傳

黃尚爲司隸姦慝自弭左雄爲尚書令天下慎選舉

陳留諺

陳留風俗傳許晏字偉君授魯詩於瑯琊王改學曰許氏章句列在儒林故諺云

殿上成羣許偉君

相人里諺

文士傳留侯七世孫張讚初居吳縣相人里時人諺云

相里張多賢良積善應子孫昌

三輔語

三輔決錄馬氏五人共居作五門客舍王養猪賣豚民爲之語云

苑中三公館下二側五門嚙嚙但聞豚聲

古今諺拾遺卷四

三

關中諺

又游殷字幼齊爲胡軫所害月餘軫得病但言伏伏游幼齊將鬼來於是遠死關中諺云

生有知人之明死有責人之靈

吏部語

談藪宋謝莊代顏峻爲吏部尚書峻容貌嚴毅常有不可犯之色莊風姿溫美人有喧訴常歡

笑答之時人語云

顏吏部嗔而與人官謝吏部笑不與人官

都下語

南史徐湛之傳時安成公何昺無忌之子臨汝公孟靈休羽之子也並名奢豪與湛之以肴膳

器服車馬相尚都下爲之語云

安成食臨汝飾湛之美兼何孟

時爲王志兄弟語

又王彬傳彬好文章習篆隸與志齊名時人爲之語云

三真上草爲天下寶

時稱二王語又玉延之傳宋德既衰齊高帝輔政朝野立無所去就時人語云

二王居平不送不迎

時稱張種語又張種傳種字士苗永從孫也祖籍宋大司農廣州刺史父畧太子中庶子臨海太守種少恬靜居處雅正傍無造請時人語云

宋稱敷演梁則卷充清虛學尚種有其風

竟陵西邸語又劉繪傳永明末都下人士盛為文章談義皆湊竟陵西邸繪為後進領袖時張融以言辭辯捷周顒彌為清綺而繪音采不瞻雅麗有風則時人為之語云云言其處二人間也

三人共宅夾清漳張南周北劉中央

省中語又賀琛傳武帝與語常移晷刻省中語云云琛容止閑雅故時人呼之

古今諺拾遺卷四

丙

上殿不下有賀雅

時為鮑正語又鮑客卿傳客卿三子檢正至竝才藝知名俱為湘東王五佐正好交遊無日不適人人為之語云

無處不逢烏噪無處不逢鮑佐

東海語又何思澄傳初思澄與宗人遜及子朗俱擅文名時人語云云思澄聞之曰此言誤耳如其不然故當歸遜思澄意謂且在己也子朗字世明早有才思周捨每與談服其精理世人語云云

東海三何子朗最多 人中爽爽有子朗

稱桓康語又桓康傳高帝誅黃回回時為南兖州節度數千欲收恐為亂召入東府停外齋使康數回罪然後殺之時人為之語云

欲俯張問桓康

時稱丁昨語又高祖壯士丁昨
有氣力時人語云

勿拔扈付丁昨

時為王瑩語又梁王瑩位開府儀同三司須開黃閣宅
前促欲買南鄰羊侃半宅侃懼見侵貨錢

百萬瑩乃回關向
東時人為之語云

欲向南錢可貪遂向東為黃銅

時稱蕭晃語南齊書長沙威王晃為甯朔將軍初沈攸
之事起晃便弓馬多從武容燦赫都街時

人為之
語云

煥煥蕭四繳

時稱荀伯玉語又上嘉荀伯玉盡心愈
見親信時人為之語云

十勅五令不如荀伯玉命

古今諺拾遺卷四 圭

南齊俗諺又顧憲之上疏言永興諸暨公私殘盡倚值
水旱實不易念俗諺云云按會稽舊稱沃壤

今猶若此吳興本是墳
土因循餘弊誠宜改更

會稽打鼓送卹吳興步擔令史

梁時語唐孫頴神女傳沈警子元機美風姿善吟咏為
梁東宮常侍名著當時每公卿宴集必致騎邀

之語
云

元機在座顛倒賓客

梁時諺顏氏家訓慕賢篇梁孝元帝在荊州有丁覲者
頗善屬文工草隸孝元書記一皆使之軍府輕

賤多末之
重時曰

丁覲十紙不如王褒數字

又勸學篇梁朝全盛之時
貴遊子弟多無學術

上車不落則著作體中何如則秘書案此南史作未

蜀諺雀鴻蜀箋李雄異母兄始字伯敬為木

欲養老屬太保保善撫士眾多歸之時人為之諺云

北魏京師語洛陽伽藍記白馬寺漢浮圖前奈林蒲荀異於餘處味並殊美京師語云

白馬甜榴一實直牛

鄴下語北史李暉與弟繪緯俱為聘使主緯位中散大夫聘梁頗為稱職鄴下語云

學則暉繪緯口則繪緯暉

鄴下諺顏氏家訓勉學篇

博士買驢書券三紙未有驢字問一言輒酬數百責其指歸或無要會

樂亭 史夢蘭 香厓輶

符堅時諺

翟鴛前秦錄有人持一銅斛於市賣之其形正員下向為斗橫梁昂者為升低者為合梁

一頭為籥籥同黃鐘可容半合邊有篆銘堅以問道安安曰此王莽時物自言出自舜皇龍戊辰改正即真以同律量布之四方欲大小器鈞令天下取平焉堅乃勅學士內外有疑皆師于安故時人為之諺云

學不師安義不中難

初諺云云羣臣勸堅停項城為六軍聲鎮堅不從故致於敗

堅不出項

關東語又前秦錄梁鸞與弟熙俱以文藻見重人為之語云

關東堂堂二甫兩房未若二梁環文綺章

古今諺拾遺卷五

一

秦雍語

又前涼錄辛攀隴西人父兩尚書郎兄鑿曠弟寶逯皆以才識知名秦雍為之語云

五龍一門玉友金昆

西州諺又西涼錄李暹妻尹氏暹之創業多所贊毗故西州諺云

李尹王燉煌

宋齊間語蓋時重大令而敬元為大令門人妙有大令法者也

買王得羊不失所望

拓跋諺

北史魏聖武皇帝諱詰汾嘗田於山澤歛見輜輶自天而下既至見美婦人自稱天女受命相

偶旦日請還期年周時復會於此言終而別及期帝至先田處果見天女以所生男授帝曰此君之子也當世為帝王語訖而去即始祖神元皇帝也故時人諺云

詰汾皇帝無婦家力微皇帝無舅家

時爲元魏二王語又魏宗室傳子儀臂力過人弓力壯十石陳留公虔稍大稱異時人云

衛王弓桓王稍

時爲元或語又或字文若紹封濟南王少有才學當時甚美與從兄安豐王延明中山王熙並以

宗室博古文學齊名時人莫能定其優劣尚書郎范陽盧思道謂吏部清河崔休日三人才學雖並優美

然安豐少於造次中山皂白太多未若濟南風流寬雅時人爲之語云

三王楚楚皆琳琅未若濟南備員方

時爲元欽語又魏諸王儂元欽字思若少好學早有令譽時人語云

皇宗畧畧壽安思若

蜀中稱于仲文語又于仲文傳仲文字次武刺史屈突尚字文護之黨也先坐事下獄無敢

繩者仲文至郡窮之遂竟其獄蜀中語云

古今諺拾遺卷五

明斷無雙有于公不避疆禦有次武

時爲崔李語又崔儂傳儂與頓丘李若俱見稱重時人語云

京師灼灼崔儂李若

時爲崔約語又儂子約五歲喪父不肯食肉後喪母居喪哀毀骨立人云

崔九作孝風吹卽倒

時爲王疑語又王憲傳子疑儒緩不斷終日昏睡李訢劉宗慶等號爲明察而二人終見誅戮餘

十數人或出或免唯疑卒得自保時人語云

實寢實昏終得保存

宋游道時臺中語又齊宋游道傳卽善長嘉其氣節引爲殿中侍御史臺中語云

見惡能討宋游道

又時人語

游道獼猴面陸操科斗形意識不關見何謂醜者必無情

寺中語又宋世軌為少卿大理正蘇珍之以平幹知各寺中語云云時人以為寺中二絕

決定嫌疑蘇珍之視表見裏宋世軌

雍州民語又公孫表傳字軌字元慶太武將北征發驢以運糧使軌部調雍州軌令驢主皆加絹一匹乃與受之百姓語云

匹乃與受之

驢無疆弱輔脊自壯

時為陸父語又陸卬傳子父五經最精熟館中謂之石經人為之語云

五經無對有陸父

幽州語又盧昌衡小字龍子從弟思道小字釋奴宗中推重故幽州語云

古今諺拾遺卷五

三

盧家千里釋奴龍子

時為崔楷語又崔楷性嚴烈能推挫豪強時人語云

莫德郁賈反懈孤楷反付崔楷

鄴下語又崔暹傳子達孳年十三令儒者權會教其解周妻兩字乃集朝貴名流命達孳高坐開講同郡睦仲讓陽屈服之暹用仲讓

為司徒中郎鄴下為之語云

講義兩行得中郎

時稱李謚語又李謚傳謚字永和少好學周覽百氏初師事小學博士孔璠數年後璠還就謚請業同門生為之語云

業同門生為之語云

青成藍藍謝青師何常在明經

時為李義深語又李義深傳義深趙郡高邑人有當世才用而心胸險峭時人語云

劍戟森森李義深

時稱王慧龍兄弟語又王慧龍傳

英英濟濟王家兄弟

時為裴讓之皇甫和兄弟語又裴讓之傳讓之諷之及皇甫和和弟克並知名於

洛下時人語云

諷勝於讓和不如亮

相府為裴漢語又裴漢傳漢善尺牘尤便簿領理識明贍斷割如流相府為之語云

日下粲爛有裴漢

時為李崇王融語又李崇傳崇在官和厚明於決斷然性好財賄取肆聚斂孝明靈太后嘗

幸左藏王公嬖主從者百餘人皆令任力負布絹即以賜之多者過二百匹少者百餘唯長樂公兩手持

古今諺拾遺卷五

四

絹二十四匹而出示不異眾而已世稱其廉儉崇與章武王融以所負多顛仆於地崇乃傷腰融至損腳時人為之語云

陳留章武傷腰折股食人敗類穢我明主

時為陽休之語又陽休之傳儻爽有風概奸學變文漢時人為之語云

能賦能詩陽休之

時為陰鳳語又賈思伯傳初思伯與弟思同師事北海陰鳳業竟無資酬之鳳遂質其衣物時人為之語云云及思伯之剖送練百匹遺鳳因具車馬迎之鳳慚不往

陰生讀書不免癡不識雙鳳脫人衣

高僧諺五色線魏有高僧支謙為人細長黑瘦眼多白而睛黃多智時諺云

支郎眼中黃形軀雖細是智囊

時稱祖瑩袁翻語北史祖瑩傳瑩與陳郡袁翻齊名時人爲之語云

京師楚楚袁與祖洛中翩翩祖與袁

時稱陳元康語隋書陳元康傳文襄入輔居鄴下崔暹崔季舒崔昂等並被任用張亮張徽纂

並爲神武待遇然皆出元康下神武每與元康久語文襄門外待接之時人語曰

三崔二張不如一康

中書語北史趙隱傳隱字彥深自云南陽宛人齊宰相善始令終唯彥深一人然諷朝廷以子叔堅爲

中書侍郎頗招物議時馮子琮子慈明祖瑒子君信並相繼居中書故時語云云叔堅身才最劣

馮祖及趙穢我鳳池

舊京語又柳蚪傳大統三年馮翊王元季海領軍獨孤信鎮洛陽于時舊京荒廢人物罕存唯有蚪在

陽城裴諷在潁川信等乃俱徵之以蚪爲行臺郎中諷爲北府屬並掌文翰時人爲之語云

古今諺拾遺卷五

五

北府裴詠南府柳蚪

北地語又唐永傳在北地四年與賊數十戰未嘗敗北時人語云云永所營處至今猶稱唐公壘也

莫陸梁恐爾逢唐將

諸生爲呂思禮語又呂思禮傳長於論難諸生爲之語云

講書論易鋒難敵

隋文帝時語又劉昉傳文帝以昉有定策功拜上大將軍封黃國公與沛國公鄭譯皆爲心膂前

後賞賜鉅萬出入以甲士自衛朝野傾矚時人語云

劉昉牽前鄭譯推後

冀州語又熊安生傳宗道暉好著高翅帽大屐州將初臨輒服以謁見仰頭舉肘拜於屐上自言學上

比三公後齊任城王浩鞭之道暉徐呼安偉安偉出謂人曰我受鞭不漢體復躡屐而去冀州人爲之語

云云謂之四大顯公沙門也宋公安德太守也洛姬婦人也

顯公鐘宋公鼓宗道暉辰李洛姬壯

兩儁語又何妥傳蘭陵蕭育亦有儁才住青楊巷妥住白楊頭時人為之語云

世有兩儁白楊何妥青楊蕭育

四王語唐書江安王元祥傳性庸遜所至營財產無厭

時語云

甯向儋崖振白不事江藤蔣虢

先天時京中語又姜師度傳師度喜渠槽所至徭役紛紜不能皆便然所就必為後世利是時

大史令傳孝忠以知星顯時為語云

孝忠知仰天師度知相地案此一作姜師度一心看地傳孝忠兩眼相天相天又作看天看地

古今諺拾遺卷五

又作穿地

竇僕射語又竇懷貞傳睿宗為金仙玉真二公主營觀費鉅萬諫者交疏不止唯懷貞勸成之躬護

役作督繕益急時語云云言事公主如邑官屬也

前作后國奢後為主邑丞

吏部過官語又裴光廷傳初吏部求人不以資考為限所獎拔惟其才往往得俊又任之士亦自

奮其後士人猥眾專務趨競銓品枉擢光廷懲之因行檢長名榜乃為循資格無賢不肖一據資考配擬

又促選限盡正月任門下省主事閻麟之專主過官凡麟之裁定光廷輒然可時語云

麟之口光廷手

洛州語又張仁愿傳先是賈敦頤嘗為長史有政績時人為之語云

洛有前賈後張敵京兆三王

斜封官語又柳澤傳請闕上疏曰今天下咸稱太平公主與胡僧慧範以此誤陛下故語云

姚宋為相邪不如正太平用事正不如邪

江淮閒語又郝處俊傳處俊臨事敢言武后雖忌之以其操履無玷不能害與舅許圍師同里俱宦

達鄉人田氏彭氏以高貴顯故江淮間為語云

賈如郝許富如田彭

時為李又語又李又傳韋氏之變詔令嚴促多又草定進吏部侍郎仍知制誥與宋璟等同典選

事請謁不行時人語云

李下無蹊徑案李知遠亦號李下無蹊

四俊語又張嘉貞傳嘉貞性簡疏與人不疑內曠如也所薦中書舍人苗延嗣呂太一考功員外郎員

嘉靜殿中侍御史崔訓皆位清要日與議政事故當時語云

古今諺拾遺卷五 七

令君四俊苗呂崔員

吏人語又尹思貞傳長安中遷秋官侍郎忤張昌宗意出為定州刺史召授司府少卿時卿侯知一亦

厲威嚴吏為語云

不畏侯卿杖祇畏尹卿筆

景雲初語又盧從愿傳初高宗時吏部號稱職者裴行儉馬載及是從愿與李朝隱為有名故號云

前有裴馬後有盧李

八友語又趙宗儒傳交友行義不以夷險恩操少與殷寅顏真卿柳芳陸據蕭穎士李華邵軫善時為

語云

殷顏柳陸李蕭邵趙

舉場語又楊虞卿傳虞卿佞柔善諂麗權幸倚為姦利歲舉選者皆走門下署第仕員無不得所欲升

沈在牙頰間當時有蘇景胤張元夫而虞卿兄弟汝士漢公爲人所奔向故語云

欲趨舉場問蘇蘇張猶可三楊殺我案此一作欲入舉場先問蘇張

真源邑中語又張巡傳調真源令士多稟得大吏華南金樹威恣肆邑中語云云巡下車以法誅之

南金口明府手

贊皇鄉人語又李知本趙州元氏人元魏洛州刺史靈六世孫父孝端仕隋爲獲嘉丞與族弟太

冲俱有世闕而太冲官婚最高鄉人語云

太冲無兄孝端無弟

二賀語又賀德仁傳德仁與從兄德基師事周宏正以文辭稱人爲語云

學行可師賀德基文質彬彬賀德仁

古今諺拾遺卷五

神龍中語又武承嗣傳崔日用冉祖雍鄭愔等共託三思權重中外天下語云

崔冉鄭亂時政

河北語又武懿宗傳始葛營入寇也別帥何阿小陷冀州殺人無餘種以懿宗暴忍似之故號稱兩何相語云

唯此兩何殺人最多

魏博語又羅紹威傳魏牙軍起田承嗣募軍中子弟爲之父子世襲姻黨盤牙悍驕不顧法令憲誠皆所立有不憚剽害之無唯類時語云云謂其勢彊也紹威懲異禍雖外示優假而內不堪

長安天子魏府牙軍

里閭詛語又王旭傳時監察御史李嵩李全交皆嚴酷取名與旭埒京師號三豹里閭至相詛云

吾寔教值三豹

崔鉉時諺又崔鉉德鉉所著者前齊楊紹復段瓌薛蒙願參議論時諺云云帝聞之題於展

鄭楊段薛炙手可熱欲得命通層紹瓌蒙

時為張懷慶語天唐新語有棗強尉張懷慶好偷名士文章時人為之語云

活剝王昌齡生吞郭正一

時人為李義甫語全唐詩義甫專權其子津洽洋墻柳元貞四人皆憑恃受贓義甫敗並除

名長流時人為之語云

今日巨唐年還誅四凶族

京洛語全唐詩許欽明與刺處後鄉黨親族兩家子弟類多醜陋而盛飾車馬以遊里巷京洛為之語

云

衣裳好儀容惡不姓許即姓郝

古今諺拾遺卷五

九

臺中語朝野僉載周夏官侍郎侯知一年老赦放致仕上表不伏於朝堂踊躍馳走以示輕便張悰丁憂自請起復吏部主事高筠母喪親戚為舉哀筠曰我不能作孝貞外郎張栖貞被訟許遭母憂不肯起

對臺中為之語云

侯知一不伏致仕張悰自請起復高筠不肯作孝張栖貞情

願遭憂皆非名教中人並是王化外物人面獸心不其然乎

選人語御史臺記石抱忠檢校天官郎中與侍郎劉奇張詢古同知選抱忠素非靜慎奇久著清平詢

古通婚名族將分鈐時人語曰云云斯言果徵復與許子儒同知選劉奇獨以公清稱抱忠師範子儒頗

任令史句直每注官呼曰句直乎時人又為之語云云抱忠後與奇同棄市選人或為擯抑者後又為之

語云

有錢石上好無錢劉下好士大夫張下好

碩學師劉子儒生用與言

今年柿子併遭霜為語石榴須早摘

韋氏語

全唐詩韋承慶罷相除禮部尚書嗣立繼為鸞臺侍郎平章事時人語曰

大郎罷相小郎拜相

時人為鄒昉語

朝野僉載鄒駱駝長安人先貧賣蒸餅於勝業坊饌得金數斗於是巨富其子

昉與蕭佺駱馬遊時人語云

蕭佺駱馬子鄒昉駱駝兒非關道德合只為錢相知

時人為崔無詖語

全唐詩崔無詖韋后中表時蕭至忠甚承中宗恩顧無詖婚至忠女后為

女家中宗為兒家供擬甚厚時人為之語云

皇后嫁女天子娶婦

古今諺拾遺卷五

十

李處郁語

又幽州都督孫佺五月北征軍師李處郁諫不從師果敗

殮若入咽百無一全

殮音孫山東人謂溼飯為殮幽州以北並為燕地故云

時人號王邱崔沔語

又邱與沔並掌吏部時人為之語云

邱山岌岌連天峻沔水澄澄澈底清

郇公廚語

又韋陟襲父安石封郇國公廚中飲食香味錯雜人或入其中多飽飫而歸俗語云

人欲不飯筋骨舒貨緣須入郇公廚

陝州語

開元天寶遺事盧真為陝州刺史嚴毅之聲聞于關內州民多有淫祀者士民相語云

不須賽神明不必求巫祝爾莫犯盧公立便有禍福

時稱二王語

全唐詩王右丞維及弟縉以科名文學冠絕當代時人云

朝廷左相筆天下右丞詩

代宗朝京師語

杜陽雜編唐元載專權事以貨成及常衮為相雖賄賂不行而介僻自尊失於

分別京師語云

常無分別元好錢賢者愚愚者賢

戲諫司語

全唐詩李泌相德宗奏請罷拾遺補闕上雖不從亦不授人諫司惟韓臯歸登而已必仍命收其習餐錢令登等厲食於中書舍人故時感云

韓諫議雖分左右歸拾遺莫辨存亡

寶歷宮中語

杜陽雜編寶歷二年浙東貢舞女二人曰飛鸞輕鳳每歌罷上令藏之金屋寶帳蓋

恐風日故也

宮中語云

寶帳香重重一雙紅芙蓉

京師號牛楊語

全唐詩牛僧孺與楊真卿兄弟驅駕輕薄有不附已者潛被瘡疖京師為之語

云

古今諺拾遺卷五

七

太牢筆少牢口東西南北何處走

又號牛李語

門生故吏不牛則李

李謂宗閱也

時號沈宋語

蘇李居前沈宋比肩

沈謂佺期宋謂之問蓋舉蘇武李陵與之並舉也

時號錢郎語

又錢起能詩與郎士元齊名語云

前有沈宋後有錢郎

潘何詩賦語

又咸通中湘南何滔潘相賦潘緯古鏡詩天下傳之云

潘緯十年吟古鏡何滔一夜賦瀟湘

魏薛草書語又魏徵之子叔瑜善草以筆意傳其子華及甥薛稷世稱之二云

薛稷書語又薛善書師褚河南時語云

買褚得薛不落節

閩人語又

歐陽獨步藻樞橫行謂歐陽詹及林藻林蘊相繼登第也

大中後進士語又大中後進士尤盛李郁崔雅孫瑄鄭峒四君子蒙其盼睐者多進升故曰

欲得命通問理峒都雍

選舉人語唐據言大中咸通中盛傳崔慎由相公常寓尺題於知聞故選舉人為此語云

王疑裴瓚舍弟安潛朝中無呼字知聞廳裏絕脫鞞賓客

古今諺拾遺卷五

科目舉人語又太平王崇質質二家率以科目為資足以升沈後進故科目舉人相謂云

未見王質徒勞漫走

戲杜香權語全唐詩杜密權知舉放盧處權人戲語云

座主審權門生處權

崔沆放榜時人語又沆放崔澹時人語云

座主門生沆濯一家

唐末五代人語又唐末五代權臣執政公然交賂科第差除各有等差故當時語云

及第不必讀書作官何須事業

時人為劉畢語又劉商官為郎中愛畫松石樹木格性高邁時有畢庶子亦善畫松樹木石時

劉郎中松樹孤標畢庶子松根絕妙

時人為黃筌語又筌善寫花竹翎毛於孟利殿畫六鶴因目其殿為六鶴殿當時語云

黃筌畫鶴薛稷減價

時人為楊惠之語又惠之不知何處人唐開元中與吳道子同師張僧繇筆跡而道子獨顯

惠之遂拔筆視稷稷塑作能奪僧繇畫相與道子爭衡時人語云

道子畫惠之塑奪得僧繇神筆路

并州人為道傑語又武德中蒲州檀嚴寺釋道傑遊并晉講肆難擊能令人流汗并州人語

云

大頭傑難殺人

洛人語嘉話錄唐汝南袁德師故給事高之子嘗於東都買得婁師德故園地起書樓洛人語云

古今談拾遺卷五

三

昔日婁師德園今乃袁德師樓

河北諺五代史梁侍中高從周有殊功鎮青社人為語云

山東一條葛無事莫撩撥

蜀諺圖書見聞志高道興成都人事蜀為內圖書庫使用筆神速觸類皆精時諺云

高君隆筆亦成畫

古今諺拾遺卷六

樂亭 史夢蘭 香厓韓

宋時語

李相大醒張相太醉

李文靖賢相也與張齊賢稍不協齊賢竟以被酒失儀罷相時人語云云此亦

里卷之公論也

京師諺

東軒筆錄王荆公次子名雱為太常寺太祝素

貌不類已百計欲殺之竟以憐死又與其妻日相鬪
開荆公知其子失心念其婦無寵欲離異之則恐其
誤破惡聲遂與擇壻而嫁之是時有工部員外郎侯
叔獻者荆公之門人也娶魏氏為妻少悍叔獻死而
幃箔不肅荆公奏逐魏氏
婦歸本家京師有諺語云

王太祝生前嫁婦侯工部死後休妻

古今諺拾遺卷六

一

宋時語

曲洧舊聞王將明當國時賣官鬻爵至有定價故當時為之語云

三千索直秘閣五百貫擢通判

按中興姓氏姦邪錄作三百貫且通判五百索直秘閣

宋時俚諺

歸田錄俚諺云云不知是何等語雖士大夫亦往往道之天聖中有尚書郎趙世長者常

以滑稽自負其老也求為西京留臺御史有輕薄子
送以詩云此回真是送燈臺世長深惡之亦以不能
酬酢為恨其後
竟卒於留臺

趙老送燈臺一去更不來

宋英宗時士人語

綱鑑英宗時士人以登臺閣陞禁從為顯官而不以官之遲速為榮滯故

為之語云

甯登瀛不為荆甯抱槩不為監

宋都人語

玉照新志左與言天台名士也錢唐幕府樂籍有名姝張穠者色藝妙天下左頗顧之如

盈盈秋水淡淡春山帷雲朝水摘粉
搓酥皆爲穠作當時都人有對云

曉風殘月柳三變摘粉搓酥左與言

筠州人語

宋羅誘宜春傳信錄屯田郎中李公衢明道
中通判筠州寬慈不擾前官受秋租而吏恣

取無厭公逐日入倉監視吏
無所措手筠人爲之語云

輸租不使錢積有李屯田

宋京師語

歸田錄三班院所領使臣每歲乾元節贖錢
飯僧進香合以祝聖壽謂之香錢判院官常

利其餘羣牧司領內外坊監使副判官比他司俸
入最優又歲收糞壘錢頗多故京師爲之語云

三班喫香羣牧喫糞

又

歸田錄盛文肅豐肌大腹而眉目清秀丁晉公疎癯
如削二公皆浙人也梅學士詢性喜香每晨起必焚

香兩爐以公服單之有賈元賓者不喜
修飾經時未嘗沐浴故時人爲之語云

古今諺拾遺卷六

二

盛肥丁瘦梅香實臭

爲韓縝語

宋史韓縝字玉汝分司南京
秦人語云云其暴酷如此

甯逢乳虎莫逢玉汝

包老語

又包拯立朝剛毅
京師爲之語云

關節不到有閻羅包老

時爲李稷李察語

又李稷與李察皆以
苛暴著稱時人語云

甯逢黑殺莫逢稷察

時爲岳武穆語

又岳
飛傳

撼山易撼岳家軍難

二寶語

又汪藻饒州德興人徽宗親製君臣慶會閣詩
羣臣皆廢進惟藻和篇眾莫能及時胡仲亦以

文名人爲之語云

江左二寶胡仲汪藻

宋時諺近峰聞略周益公云蘇子容聞人語故事必令人檢出處司馬溫公聞新事卽便鈔錄且記所言之人故

當時諺云

古事莫語子容今事勿告君實

都人諺五壺清話趙昌言爲樞密副使時陳儀與董嚴俱爲三司鹽鐵副使會飲於樞第每乘醉夜方

歸都人諺云

陳三更董半夜

京師語詩話馮詠石藏用劉寅俱擅醫名石喜用熱藥劉喜用涼藥京師爲之語云

藏用篋中三斛火劉寅匣內一壺冰

古今諺拾遺卷六

三

北宋朝中語歸田錄宋制大宴樞密使不坐侍立殿上既而退就御厨賜食與閣門引進四方館

使列坐廡下親王一人作食每春秋賜衣門謝則與內諸司使副班於垂拱殿外庭中而中書則別班謝於門上故

朝中語云

厨中賜食階下謝衣

嘉祐中京師諺東軒筆錄嘉祐中翰林諸公皆入政府時包拯爲三司使宋祁守鄭州二公久

著人望而不見用京師諺云

撥隊爲參政成羣作副樞虧他包省主闕殺宋尙書

熙甯中語墨客揮犀熙甯中京師久旱按古法令坊巷各以大囊貯水插柳條泛蜥蜴使青衣小兒

環繞呼云云開封府不能盡得蜥蜴以獻虎代之獻虎入水卽死小兒更其語云云

蜥蜴蜥蜴與雲吐霧降雨滂沱放汝歸去

冤苦冤苦我是蠍虎似恁昏昏怎得甘兩

元豐中諺能改齋漫錄元豐八年尚書戶部侍郎李定權知貢舉其夜四鼓開寶寺寓禮部貢院火

後別試更得焦蹈爲魁諺云

不因開寶火安得狀元焦

北宋俚語雜助編

人作千年調鬼見拍手笑

宋初士子語老學菴筆記國初尙文選當時文人專意此書士子爲之語云

文選爛秀才半

宋時諺太平老人袖中錦

鳳州三出手柳酒宣州四出漆粟筆蠶

古今諺拾遺卷六

南京石上語侯鯖錄南京人家掘得一石上有字可考云云不知是何等語也

猪拾柴狗燒火野狐掃地請客坐

汴渠諺東軒筆錄汴渠舊例十月閉口舟楫不行王荆公富國欲通冬運遂不令閉口水淺舟不可行而流水損舟楫於是以前設巨碓以擣流水役夫苦寒死者甚眾京師有諺云

昔有磨去磨平漿水今見碓擣冬麥

關中醫諺江鄰幾雜志長安張詩以能醫稱子至關中人說藥死者甚眾尤好用轉藥關中諺云

既服黃龍丹便乘白虎車

池州語史容山谷後集注東流建德兩縣皆隸池州山谷詩東流會賓客建德椎羊牛元注語云云

東流速客驚動建德

崇甯間諺老學菴筆記崇甯間置居養院安濟坊漏澤園所費光大朝廷課以爲殿最諺語云云蓋

軍糧乏民力窮皆不問若安濟等有不不及則被罪也

不養健兒却養乞兒不管活人只管死尸

宣和間諺又宣和間親王公主及近屬戚里入宮輒得金帶關子旋填姓名賣之價百五十方臘破

錢唐時朔日太守客次有服金帶者數十人皆朱耐家奴也時諺云

金腰帶銀腰帶趙家世界朱家壞

都下諺又賁臣有疾宣醫及物故勅勅葬本以為恩然中所誤者赦葬則喪家所費至傾竭資

產其地又未必善也故都下諺云

宣醫納命赦葬破冢

靖康間語避戎夜話金人既出境朝廷措置多不急之務如復春秋科太學生免解改舒王從祀之

類時為語云

古今諺拾遺卷六

不管肅王却管舒王不管燕山却管聶山不管山東却管陳

東不管東京却管蔡京不管河北界却管秀才解

蜀士語老學菴筆記建炎以來尚蘇氏文章學者翕然從之而蜀士尤盛有語云

蘇文熟喫羊肉蘇文生喫菜羹

宋世諺鄭虎臣吳郡文粹

蘇湖熟天下足

春陵語宋史儒林傳韓侂胄擅政設偽學之禁蔡元定諱道州遠近來學者曰敢有名士掾才簡傲非

笑前修者亦心服謁拜執弟子禮甚恭時人為之語云

初不敬个納命

甯宗朝語宋史許及之傳韓侂胄生日朝行上壽畢集及之後至閩人掩關拒之及之俯俛以入為

吏部尚書二年不遷見侂胄流涕序其知遇之意及
衰遲之狀不覺屈膝侂胄憐之遷同知樞密院事當
時語云云
傳以爲笑

由寶尚書屈膝執政

開禧市語

四朝聞見錄韓侂胄用事所引率多匪類有市井小人以片紙摹印烏賊出沒於潮一錢

一本以售且誦言云云又賣漿者敲蓋以喚入云云冷謂韓蓋謂斬也

滿潮都是賊滿潮都是賊

冷底喫一盞冷底喫一盞

甯宗朝語

後村詩話高文虎作西湖放生池記以鳥獸魚鼈咸若爲商王事太學諸生爲謔詞哂其誤陳暉行史集賢制用昆命元龜字闕帥倪侍郎駁論之陳稟疏援引唐人及本朝命相皆用此語史擢

陳臺端劾倪制職罷去或爲一聯云

古今諺拾遺卷六

六

舍人舊錯夏商儼御史新爭舜禹龜

太學語

鶴林玉露太學語云云言其清苦而鯁亮也

有髮頭陀寺無官御史臺

紹定中語

宋季三朝政要紹定三年上飲宴過度史彌遠卧病中時人譏之云

陰陽眠覺理天地醉經綸

端平中語

癸辛雜志真文忠負一時重望是時楮輕物貴民生頗艱意謂真儒一用必有建明於是民間爲之語云云及入朝首以尊崇道學爲第一義繼以大學術義進思民無知以其所言爲不切於時務復以俚語足之云

若要百物賤直待真直院喫了西湖水打作一鍋麩

理宗朝語

古杭雜記理宗朝喬行簡拜平章史嵩之作相專政時人爲之語云

橋老無人渡松枝作棟梁

又西湖志餘賈似道賜第葛嶺大小朝政就決館中宰執充位而已當時語云

朝中無宰相湖上有平章

咸信問語宋季三朝政要咸信五年詔禁珠翠宮中簪琉璃花都下人爭效之時有詩云云識者以

為流離之兆

京城禁珠翠天下盡琉璃

寶祐中朝門語

又寶祐三年閻旭怙寵丁大全馬天驥用事無名子書八字於朝門云

閻馬丁當國勢將亡

行都諺

老堂雜志重駕行在臨安東門絕無民居彌望皆菜圃西門則引湖水入城中以小舟散給坊市嚴陵富陽之柴聚於江下縣南門而入蘇湖米則來自北關故諺云

古今諺拾遺卷六

七

東門菜西門水南門柴北門米

宋末行都語

委巷叢談度宗崩幼君諒陰榜第一名王龍潭二名路萬里三名胡幼黃行都為之

語云

龍在潭飛不得萬里路行不得幼而黃醫不得

建炎後俚語

雞肋編有見當時之事者如仕途捷徑無過賊上將奇謀是受招云云

欲得官殺人放火受招安欲得富趕著行在發酒醋

宋太學中語

楓窗小牘邢昺以九經及第鬱為儒者乃傾意欽若納身垢污為士流所薄常奉勅

撰爾雅疏義其後太學生郭盛言昔人不分老子與韓非同傳郭註邢疏無論周公不享其意即先人得無稱免地下且郭迂逆敦附欽若爾雅近正今則

近刑盛舉九經乞辭此疏時刑自稱子才之裔太學

中語云

景純有孫子才無後

金河內諺

金史王競轉河內令民爲之諺云蓋以前政韓希甫與競相繼治縣皆有幹能絳州正

平令張元亦有治績而差不及故云

西山至河岸縣官兩人半

京師語

明史左鼎居官情勤卓有聲譽御史練綱以敢言名而鼎尤善爲章奏京師語云自公卿以

下咸憚之

左鼎手練綱口

時爲謝遷劉健李東陽語

又謝遷與劉健李東陽同輔政而遷見事明敏善持論時

人爲之語云

李公謀劉公斷謝公尤侃侃

古今諺拾遺卷六

人

都下語

又林俊上疏請斬妖僧繼曉並罪中貴梁芳帝大怒下詔獄考訊後府經歷張徽救之並下獄

太監懷恩力救俊得謫姚州判官徽師宗知州時言路久塞兩人直聲震動都下爲之語云

御史在刑曹黃門出後府

都人爲陳與郊語

又王汝訓傳海甯陳與郊者大學士王錫爵門生又附申時行忤甚汝訓

抗疏數其罪乃調汝訓南京頃之御史王明復劾與郊詔奪明俸擢與郊太常少卿都人爲之語云

欲京堂須彈章

吳人語

又皇甫湜傳父錄生四子冲湑汭濂並好學工詩稱皇甫四傑其後里人張鳳翼燕翼獻翼並

負才名吳人語云

前有四皇後有三張

館中語

又李維禎弱冠登朝博聞強記與同館許國齊名館中爲之語云

詎不得問老許做不得問小李

時為三李語又聞黨傳李恒茂李魯生李蕃日走吏兵二部交通請託時人為之語云

官要起問三李按明詩總作二李謂魯生與蕃也

成化間京師語施愚山矩齋雜記舊制學校生員廩膳有額增廣無額成化三年定額京師語

云云不得已附學之名立焉

和尚普度秀才拘數禮部姚燮顛倒錯誤

惠安語明詩總洪武中三河安景賢知惠安縣事民頌之曰

安公莅止視民如子

閩中語又布衣高徽傅汝舟從鄭善夫游學為詩閩人為之語云

高垂股傅脫粟言斷斬中歌曲

古今諺拾遺卷六 九

福建語又會稽商為正萬歷初巡按福建與巡撫都御史龐尚鵬協心共事百廢具興福建語云

恤我甘苦龐父商母

京師語又永樂中仁和何順官刑曹即持法不避權貴京師語云

毋縱誕避何鐵面

又類上李芳中永樂中進士任刑科給事中執法不撓忤權倖謫海鹽丞棄官居家宣宗嘗顧問曰李芳何在近倖畏其剛直多沮之京師為之語曰

永樂紀綱宣德李芳

又正統戊辰京師語云云是年安福彭時殿試賜第一甲第一名

莫問知不知狀元是彭時

京闈語又景泰癸酉廬陵羅崇嶽舉順天鄉試第一以詭籍斥還後三年大學士陳循子瑛王文子倫

入試皆不得舉有旨
特賜舉人時人語曰

榜有姓名還是學生榜無姓氏京闈貢士

翰林語又茶陵李東陽等為翰林長而
王九思等為簡討時人語云

上有三老下有三討

京都語又成化中光州熊紳官兵部侍郎時馬口
為尙書而侍郎有左熊右熊京師語云

兩熊一馬天下太平

京師語又宏治中鍾祥沈文華為刑部
員外郎事多平反京師語云

有事勿忙須問沈郎

又

麥公牢子崔公馬高公銀子當博瓦

古今諺拾遺卷六

十

都下諺又

吏部官戶部飯刑部紙工部炭兵部皂隸禮部看

安州語又蘇州張寅仲明中正德辛巳進士知安州浚
牙家港築隄暇則與土子講學時孔天允知祁

州亦以才見
重時人語曰

有所疑問安祁莫曼疎有張孔

京師語又嘉靖五年天台起復知縣潘淵進嘉靖龍飛
頌效蘇蕙織錦圖帝以其文縱橫莫辨使開寫

正文以進是時請建世室者有監生王
淵進世廟頌擢上林監承京師語曰

兩淵口闊如斗笑殺張蘿峰引出一羣狗

容城語又容城楊繼盛少時讀書僧寺時僧多病疫同
舍生成亡去繼盛為調藥餌僧以次愈時人異

之語
云

疫無鬼以為不信視楊子

束鹿語又濮州蘇祐補束鹿知縣邑多囚繫下車一日釋數百人明日革罷徭車三十兩又明日有詔

召束鹿令
邑人語曰

三日官府百年父母

合肥語又萬曆中合肥黃道月好挾少年岸噴衣半臂紫袷坐驄馬挾彈游西山時人從之語云

得山禽從舍人

富林語又華亭曹時中與兄泰隱富林以詞翰自老時人語云

富林二曹一時人豪

留都語又扶溝劉自強嘉靖中官應天府尹尋轉都察院右都御史進戶部尚書再改兵部居官峻法

一尚書囑以事怒曰賊吏敢爾邪起奮筆仆其赫人留都為之語曰

古今諺拾遺卷六 十一

尚書賦輿臺僂矯矯劉公洵自強

吳人語又長洲文震孟性孝友居翰苑未踰年罷官家居吳人語曰

求忠臣須孝子緊為誰文文起

德州諺又德州苦水舖士人素校諺云

苦水舖神仙過留箇布

通許諺又通許婁良與同郡賈恪齊名兩人皆中正統進士邑人諺曰

婁良賈恪氣如山嶽

慶陽軍中語又洪武初張良臣復據晉陽以叛其兵精悍養子七人咸善戰軍中語曰

不畏金牌張但畏七條鎗

越人語又長清李倚嘉靖中知紹興府多惠政時知山陰縣事李某不得於民每出則以兩鐵索前導

而僑必懸兩爐
焚香越人語曰

府香爐縣鐵索一為善一為惡

平湖諺平湖俞獻字廷貴有行誼熊卓知縣事引與計事行之民輒曰神明或干以私遂謝弗與通

里人
諺曰

郭東俞生當春握冰

嘉興語又金溪洪範知嘉興縣事承知府楊繼宗之後廉靜寡欲士民語云

洪合楊守承前啟後

安仁語又南海洗光正德中知安仁縣能辨疑獄百姓語曰

民無冤訟有洗燈籠訟無滯屈有洗三日

九江語又萬衣為南京刑部主事頻夢其父心動請急歸抵家九日父沒里人為之語云

古今諺拾遺卷六

七

萬孝子生知死

常州語又

江陰莫動手無錫莫開口江陰人拳勇無錫人善歌

諸城諺又諸城縣漢王山西南五里有卷簾莊雖嚴冬無霜降邑人諺云

卷簾莊秋冬不下霜

萬載諺又萬載翟昌甫家貧樂道好讀書春夏移書於佛塔秋冬樓居里人諺云云後以人才舉為郎

春夏塔秋冬樓風吹四面搖昌甫獨不憂

辰州苗民語又

不畏官軍但畏糧屯沈融谷云苗民負固恃有千萬山峒軍退則突出軍至則潛藏惟官軍糧多築

長圍困之
其所畏也

儋州諺

又儋俗事神有上帝會天妃會劉天君會羊元帥會鑾輿五采迎神十十大饗於村中景泰天

順年間諺云

柳英有銀兒子跳神洪全有金阿母賣鍼

粵西諺

思播田揚兩廣岑黃

言宣慰氏族之大也

永甯語

又雲南永甯蠻寨矢不刺非於宣德四年糾合四川鹽井衛土官馬刺非殺永甯土知府各吉

入合已命卜撒襲職矢不刺非復殺之永甯人語云

土官數吉達兩刺非

貴州諺

又鄰水楊純以監察御史按貴州任滿百姓乞留一年詔許之民乃謠曰

鄰水楊伯願年年巡貴陽

古今諺拾遺卷六

三

蜀人語

又安陽崔陞在四川參政與僉事曲銳並有威名蜀人語曰

崔參曲僉屹如雪山

崇慶諺

又崇慶俗尚浮屠萬輔居喪獨遵家禮鄉人化之諺曰

萬輔一呼喪禮皆儒

翰林諺

翰林九年就熱去寒

蘭江諺

金家梁舊酒香

松江古語

輟耕錄松江古有此語谷水雲間皆松江別名也近代來作漁者始則赫然有聲終則關

茸貪盜廉潔者鮮

兩句竟成詩韻

湖蓬谷水難興浪月到雲間便不明

都下諺曰下舊聞成化間都下諺云云嘉靖間都下又有諺云云勝名祥御用監麥名福掌圖營高名

忠內官監監督諸工者

章英房梁芳馬尚銘銀子似磚瓦

滕大監房麥太監馬高太監金銀似磚瓦

閩人語西墅雜記阿厝仲甯波郵縣人初以國子生擢御史彈劾不避權勢上雅重之陞福建按察使

時布政使薛大方貪暴自肆厝仲劾奏之大方有詞連坐厝仲至京師事既白詔厝仲復任大方罷職閩人爲之

語云

陶使再來天有眼薛公不去地無皮

明時諺春風堂隨筆本朝國子監自祖宗以來例不刷卷故諺云云正德戊寅予自編修轉司業時適

古今諺拾遺卷六

古

祭酒闕予得旨遂署印稽攷錢糧其實空虛典簿廳至起息揭債予問之前祭酒石熊峰邦彥先生云自來如此余遂舉劾典簿王勤者黜之適送供堂皂隸銀數兩至色如黑銅予笑曰正好謂之銅司業聞者絕制

金祭酒銀主簿

明時諺語窺今古晉漢唐巾乃先朝儒者之冠我明興甲科監儒兼而用之數十年前人心猶古非真

斯文盡安分焉漸至業鉛槧賦詩章者戴矣此猶入可也邇來大可駭異一介細民耳未聞登兩榜而入鬻官一丁不識驟獲資財不安小帽巍然其冠翩然大其袖揚揚平康曲里此何巾哉曰銀招牌也至於諸人亦僭用之曰省錢帽也一人僥倖科第宗族姻親盡換儒巾曰舊襲巾也故諺有云

滿城文運轉遍地是方巾

明時京師諺野獲編京師向有諺語云云蓋幾名實之不稱也

翰林院文章武庫司刀鎗光祿寺茶湯大醫院藥方

成化間諺高陽雜議成化間太監正直用事朝紳諂附無所不至有諺云

都憲叩頭如搗蒜侍郎扯腳似燒葱

土司諺田汝成炎嶽紀聞楊輝傳

骨肉鬻醢參商播凱

土蠻諺又蠻夷傳諺云云言其不可居解也

苗家讐九世休

又羅羅傳諺云云言其相應若幸然也

水西羅鬼斷頭掉尾

又猶人傳廣之東西歲苦兵事諺云

古今諺拾遺卷六

圭

比年小征三年大征

汪道一語江西詩徵道一上清人萬歷三十七年五月忽赤脚道袍手持箸擊磔循街而呼云云人為顛或詢之則曰水王氏予去此二百四十餘年矣越四日水暴至惟登山者得免

快行疊琵琶山上好安歇

白芒洲鬼語又正德辛巳有鬼號於廣信白芒洲云云江汝壁中二甲第一

屈屈屈狀元江汝壁

明末語良齋雜說

科衣道馬翰林房吏部何曾少一椿

吳人語

天下歇家王百穀山中驛吏趙凡夫

良齋雜說相傳百穀家居中少師予告銅里軍

騎闕門賓客牆進兩家巷陌各不相下凡夫卜築寒山搜剔
泉石又得荆子爲妻靈均爲子貴游糜至幾同朝而兩君可
謂處士之特矣然題之曰歇
家曰驛吏豈非春秋之筆乎

浙語

浙中三毛文中三豪

謂毛先舒及大可際可也
大可蕭山人際可遂安人

古今談拾遺卷六

六

